



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS GLLOGOC

Numri i lëndës: 2023:269193

Datë: 12.12.2023

Numri i dokumentit: 05052474

P.nr.382/2023

NË EMËR TË POPULLIT

GJYKATA THEMELORE NË PRISHTINË-DEGA NË GLLOGOC, Departamenti i Përgjithshëm-Dvizioni Penal, gjyqtari i vetëm gjykues Shefqet Baleci, me pjesëmarrjen e procesmbajtëses Elheme Kastrati, në çështjen penale kundër të akuzuarit Sh.H nga ..., Komuna e Drenasit, i akuzuar për vepër penale Vjedhja e shërbimeve, të parashikuar nga neni 314 par.6. lidhur me par.1. të Kodit Penal të Republikës së Kosovës (KPRK), sipas aktakuzës së Prokurorisë Themelore në Prishtinë-Departamentit të Përgjithshëm PP.II.nr.6535/2023, datë.30.11.2023, duke vendosur lidhur me kërkesën e Prokurorisë Themelore në Prishtinë-Departamenti i Përgjithshëm, për dhënjën e urdhërit ndëshkimor pa mbajtjen e shqyrtimit gjyqësorë, PP.II.nr.6535/2023, datë.30.11.2023, me datë.12.12.2023, mori këtë:

A K T G J Y K I M

PRANOHET KËRKESA E PROKURORISË THEMELORE-DEPARTAMENTI I PËRGJITHSHËM në Prishtinë PP.II.nr.6895/2023, datë.30.11.2023, dhe gjykata jep këtë:

URDHËR NDËSHKIMOR

I AKUZUARI: Sh.H, i biri i ..., i lindur me datën...., me vendbanim në ..., Komuna e Drenasit, me numër personal, Shqiptar, shtetas i Republikës së Kosovës, më parë i gjykuar për vepër të njëjtë penale.

ËSHTË FAJTOR

SEPSE: me datën 09.08.2023, në shtëpinë e të akuzuarit që gjendet në ..., Komuna e Drenasit, kanë konstatuar se me qëllim që vetit të i sjellë dobi pasurore të kundërligjshme, gjatë një kontrole, punëtoret e-it, tek i akuzuari, me numër DPR ..., ashtu që daljet e njehsorit i kishte bërë bashkë në një pikë (lidhje të drejtëpërdrejtë), me të cilin rast energjia e shpenzuar elektrike nuk kishte arritur të regjistrohej dhe i njëjti kishte qenë i shkyçur nga AMR (lexim nga distanca), për shkak të borgjit ndaj-it, me këtë të dëmtuarës Kompanisë Kosovare për Distribuim dhe Furnizim me Energji Elektrike, Sh. a - Distrikti në Prishtinë, i kishte shkaktuar dëm material në vlerë prej 294.25 €,-

-me këtë ka kryer veprë penale Vjedhja e shërbimeve, të parashikuar nga neni 314 par.6. lidhur me par.1. të Kodit Penal të Republikës së Kosovës (KPRK).

Andaj gjykata në bazë të nenit 4,7,17,21,38,43,59,61,69 dhe nenit 314 par.6. lidhur me par.1. të Kodit Penal të Republikës së Kosovës (KPRK), si dhe neneve 495,359,360,364,449 par.2. nënpar.2.6. dhe par.3. dhe 462 par.2. të Kodit të Procedurës Penale (KPP), i shqipton:

DËNIM ME GJOBË

Të akuzuarit Sh.H në shumë prej 160 (njëqind e gjashtëdhjetë) €, të cilin detyrohet të e paguaj në afat prej 15 ditë, nga dita e plotfuqishmërisë së këtij aktgjykimi.

Nëse i akuzuari Sh.H në afatin e caktuar nuk dëshiron ose nuk mund të paguaj gjobën, gjykata mund të e zëvendësojë dënimin me gjobë me dënim me burg në kohëzgjatje prej 8 (tetë) ditë.

Kur dënim me burgim zëvendësohet me dënimin me gjobë, njëzetë (20) € gjobë llogaritet barabartë me një ditë burgim, kjo mundësi e zëvendësimit është e bazuar në dispozitën e nenit 43 par.3. të KPRK-së.

Nëse i akuzuari në afatin e caktuar nuk dëshiron ose nuk mund të paguajë gjobën në tërësi, gjykata do të zëvendësojë pjesën e mbetur të gjobës me dënim me burgim, siq parashihet në paragrafin 3 të nenit 43 të KPRK-së. E nëse personi i dënuar e paguan pjesën e mbetur të gjobës, ekzekutimi i dënimin ndërpritet.

Nëse i akuzuari nuk dëshiron ose nuk mund të paguajë gjobën, gjykata mundet, me pëlqimin e të akuzuarit, në vend të shqiptimit të dënimin me burgim, të e zëvendësojë dënimin me gjobë me urdhër për punë në dobi të përgjithshme. Urdhri për punë të përgjithshme llogaritet ashtu që tetë (8) orë të punës në dobi të përgjithshme llogariten me njëzetë (20) € gjobë, kjo mundësi e tillë e zëvendësimit është e bazuar në dispozitën e nenit 43 par.5. të KPRK-së.

Të akuzuarit Sh.H i shqiptohet **DËNIMI PLOTËSUES-Urdhri për kompensimin e humbjes apo dëmit**, ashtu që urdhërohet i akuzuari Sh.H që të dëmtuares Distrikti në Prishtinë, të ia bëjë dëmshpërblimin në vlerë prej **294.25 (dyqind e nëntëdhjetë e katër € e njëzetë e pesë Cent) €**, këtë në afat prej 15 ditë, nga dita e plotëfuqishmërisë së këtij aktgjykimi, e nën kanosjen e përmbarimit me dhunë.

Detyrohet i akuzuari që në emër të paushallit gjyqësorë të paguajë shumën prej **20 €**, këtë në afat prej 15 ditë, nga dita e plotëfuqishmërisë së këtij aktgjykimi, e nën kanosjen e përmbarimit me dhunë.

Detyrohet i akuzuari që për Programin për Kompensimin e Viktimave të Krimit të paguaj taksën në shumë prej **20 €**, këtë në afat prej 15 ditë, nga dita e plotëfuqishmërisë së këtij aktgjykimi, e nën kanosjen e përmbarimit me dhunë.

A r s y e t i m

Prokuroria Themelore në Prishtinë-Deparatamenti i Përgjithshëm, me aktakuzën PP.II.nr.6535/2023, datë.30.11.2023, ka akuzuar të akuzuarin për veprë penale Vjedhja e shërbimeve nga neni 314 par.6. lidhur me par.1. të Kodit Penal të Republikës së Kosovës (KPRK), poashtu ka ushtruar kërkesën për dhënjën e urdhërit ndëshkimor dënim me gjobë pa mbajtjen e shqyrtimit gjyqësor PP.II.nr.6535/2023, datë.30.11.2023, me arsyetim se ka prova të

mjaftueshme dhe të besueshme nga kallëzimi penal që e vërtetojnë kryerjen e kësaj veprë penale nga i akuzuari.

Gjykata gjatë shqyrtimit paraprak të aktakuzës dhe kërkesës për dhënjën e urdhërit ndëshkëimor, gjeti se janë plotësuar kushtet ligjore për pranueshmërinë për dhënjën e urdhërit ndëshkëimor pa mbajtjen e shqyrtimit gjyqësor, dënim me gjobë, në vështirim të nenit 495 par.1. të KPP-së.

Gjykata duke i vlerësuar provat materiale të bashkangjitura në shkresat e lëndës dhe atë: kallëzimin penal me nr.të rastit CMS-K/DPR-446, dt.13.09.2023, i të dëmtuarës, procesverbali me nr.2089773, dt.09.08.2023, i të dëmtuarës, fotot e njehsorit elektrik-gjashtë foto, kalkulimi i RH me me ID të rastit 485470, dt.29.08.2023 dhe fatura DPRHP2336974, dt.11.08.2023, dhe konstaton se këto prova janë bindëse dhe të bazuara dhe njëkohësisht vërtetojnë se i akuzuari ka kryer veprë penale Vjedhja e shërbimeve nga neni 314 par.6. lidhur me par.1. të Kodit Penal të Republikës së Kosovës (KPRK), për të cilën veprë penale është i paraparë dënim me gjobë ose me burgim deri në 3 (tre) vite, ashtu që gjykata të akuzuarin e shpalli fajtor dhe e dënoi me gjobë në shumë prej 160 € (njëqind e gjashtëdhjetë) €, (nëse i akuzuari në afatin e caktuar nuk dëshiron ose nuk mund të paguaj gjobën, gjykata mund të zëvendësojë dënimin me gjobë me dënim me burg në kohëzgjatje prej 8 (tetë) ditë, kur dënim me burgim zëvendësohet me dënimin me gjobë, njëzetë (20) € gjobë llogaritet barabartë me një ditë burgim, kjo mundësi e zëvendësimit është e bazuar në dispozitën e nenit 43 par.3. të KPRK-së), me bindjen se dënim me gjobë është në përputhshmeri të plotë me shkallën e rrezikshmerisë shoqërore të veprës penale dhe përgjegjësin penale të të akuzuarit, dhe se i njëjti dënim do të ndikoi që të parandaloi të akuzuarin nga kryerja e veprave penale në të ardhmën dhe të bëjë rehabilitimin e tij si dhe të parandalojë personat e tjerë nga kryerja e veprave penale, të bëjë kompensimin e të dëmtuarës për humbjet ose dëmet e shkaktuara nga vepra penale dhe të shprehë gjykimin shoqëror për veprën penale, ngritjen e moralit dhe detyrimit për respektimin e ligjit, çka është edhe qëllimi i tij i paraparë me nenin 38 të KPRK-së.

Vendimin që të akuzuarit Sh.H të i shqiptohet dënim plotësues-Urdhri për kompensimin e humbjes apo dëmit, ashtu që urdhërohet i akuzuari Sh.H që të dëmtuarës Distrikti të ia bëjë dëmshpërblimin në vlerë prej 294.25 (dyqind e nëntëdhjetë e katër € e njëzetë e pesë Cent) €, këtë në afat prej 15 ditë, nga dita e plotëfuqishmerisë së këtij aktgjykimi, e nën kanosjen e përmbarrimit me dhunë, gjykata e bazoi në nenin 59 të KPRK-së (ku përcaktohet se dënim plotësues mund të shqiptohet së bashku me dënimin kryesor ose alternativë), e lidhur me nenin 61 par.1. të KPRK-së (ku përcaktohet se kur gjykata dënon personin i cili është shpallur fajtor për çfarëdo veprë penale që përfshin vjedhjen, humbjen, dëmtimin apo shkatërrimin e pasurisë, gjykata do të urdhëroi kryesin që të bëjë dëmshpërblimin e viktimës së veprës penale).

Vendimin që i akuzuari të paguaj në emër të paushallit gjyqësorë shumë prej 20 €, gjykata e bazoi në nenin 449 par.2.6. dhe par.3. të KPP-së, duke pasur parasysh zgjatjen dhe ndërlikueshmërinë e procedurës dhe gjendjen financiare të akuzuarit.

Vendimin që të detyrohet i akuzuari që për Programin për Kompensimin e Viktimave të Krimit të paguaj taksën në shumë prej 20 €, gjykata e bazoi në nenin 36 par.3. nënpar.3.1. të Ligjit nr. 08/L-109 për Kompensimin e Viktimave të Krimit, ku është paraparë se gjyqtarët me rastin e shqiptimit të sanksioneve penale për veprat penale të përcaktuar në nën paragrafi 3.1. të këtij paragrafi caktojnë edhe taksat për kompensimin e viktimave si në vijim: për veprat penale që gjykohen nga Departamenti i Përgjithshëm i Gjykatës Themelore në shumë prej njëzet (20 €).

Vendimin që e dëmtuara Distrikti në Prishtinë, lidhur me realizimin e kërkesës pasuroro juridike për kompensimin e dëmit të shkaktuar me këtë veprë penale, të e udhëzoi në kontest civil, gjykata e bazoi në nenin 462 par.2. të KPP-së, pasi që të dhënat e mbledhura në procedurë penale nuk paraqesin bazë të sigurt për gjykim të plotë e as të pjesërishtë të kësaj kërkesë.

Nga e lartëtheksuara është vendosur si në dispozitiv të këtij aktgjykimi

GJYKATA THEMELORE PRISHTINË-DEGA NË GLLOGOC
DEPARTAMENTI I PËRGJITHSHËM-DIVIZIONI PENAL
P.nr.382/2023, datë:12.12.2023

Procesmbajtësja
Elheme Kastrati

Gj y q t a r i
Shfqet Baleci

KËSHILLA JURIDIKE: Kundër këtij aktgjykimi, në bazë të nenit 496 par.2. të KPP-së. i akuzuari mund të ushtrojë kundërshtim në afat prej 8 ditë, nga dita e pranimit dhe kundërshtimi i drejtohet kësaj gjykate. Nëse kundërshtimi nuk hudhet për shkaqe të arsyeshme, atëherë gjykata do të caktoj mbajtjen e shqyrtimit gjyqësorë sipas aktakuzës së ushtruar. Nëse nuk paraqitet kundërshtimi apo paraqitet pas afatit, urdhëri ndëshkimorë merrë formen e prerë dhe ekzekutohet.